

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 21. Uredbe o naknadama i drugim materijalnim pravima koje nemaju karakter plaće („Službene novine HNK“, broj: 4/19, 8/19, 9/21) i člana 27. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine FBiH“, broj: 6/20, 11/21 i 5/22), na prijedlog Ministarstva pravosuđa, uprave i lokalne samouprave, Vlada Hercegovačko-neretvanskog kantona je na 194. sjednici, održanoj 17.1.2023. godine, donijela

ODLUKU
O NAKNADI ZA VRIJEME PROVEDENO U PRIPRAVNOSTI ZA RAD
NAMJEŠTENIKA U SUDOVIMA U HERCEGOVAČKO-NERETVANSKOM
KANTONU I KANTONALNOM TUŽILAŠTVU HERCEGOVAČKO-
NERETVANSKOG KANTONA

I
(Predmet Odluke)

PRIMLJENO:	19.01.23.
Organizacija/jedinica:	
Ime i prezime:	
Stavopis:	

Ovom Odlukom uređuje se visina i uslovi provođenja pripravnosti za rad namještenika u sudovima u Hercegovačko-neretvanskom kantonu i Kantonalnom Tužilaštvu Hercegovačko-neretvanskog kantona (u daljem tekstu: pravosudni organi), te način ostvarivanja naknade na osnovu vremena provedenog u pripravnosti za rad srazmjerno vremenu trajanja pripravnosti za rad namještenika u pravosudnim organima u Hercegovačko-neretvanskom kantonu.

II
(Pripravnost za rad)

- (1) Namještenicima u pravosudnim organima pripada naknada na osnovu vremena provedenog u pripravnosti za rad srazmjerno vremenu trajanja pripravnosti za rad.
- (2) Pripravnost za rad ne ulazi u radno vrijeme i predstavlja poseban oblik rada, kada namještenik ne mora biti prisutan na radnom mjestu, ali mora biti dostupan radi obavljanja poslova i zadataka svog radnog mjesta.
- (3) Pripravnost za rad radnim danom traje 16 sati, a neradnim danom 24 sata.

III
(Naknada za pripravnost za rad)

- (1) Mjesečna naknada za pripravnost namještenika iznosi 10 % od satnice redovnog rada namještenika u tekućem mjesecu za svaki sat vremena proveden na pripravnosti za rad.
- (2) Raspored pripravnosti određuje se odlukama predsjednika sudova i odlukom Glavnog kantonalnog tužioca (u daljem tekstu: rukovodilac pravosudnog organa).

IV
(Naknada za rad u vrijeme pripravnosti)

- (1) Kada za vrijeme trajanja pripravnosti namještenik obavlja poslove i radne zadatke svog radnog mjesta, ima pravo na povećanje osnovne plate srazmjerno vremenu provedenom na radu u slijedećim slučajevima:
 - a) Prekovremeni rad za 25% (dvadesetpet posto) od osnovne plate
 - b) Rad subotom i nedeljom za 15% (petnaest posto) od osnovne plate
 - c) Rad u praznike koji su po zakonu državni praznici za 40% (četrdeset posto) od osnovne plate

- d) Noćni rad za 25% (dvadesetpet posto) od osnovne plate.
- (2) Naknade po osnovu tačke III i tačke IV ove Odluke se međusobno isključuju.

V

(Rješavanje o naknadi za pripravnost za rad)

- (1) Zadužuju se rukovodioci pravosudnih organa da donesu, odnosno usklade provedbene akte za izvršenje ove Odluke koji će osiguravati tačan i precizan obračun pripadajućih naknada u roku od 15 dana od dana stupanja na snagu ove Odluke. Navedeni akti se donose uz saglasnost Ministarstva pravosuđa, uprave i lokalne samouprave Hercegovačko-neretvanskog kantona.
- (2) Pravosudni organi iz tačke I ove Odluke uspostaviti će službene evidencije o satima provedenim u pripravnosti za rad.
- (3) Pravo na naknadu iz tačke II ove Odluke će se ostvarivati dostavom odgovarajuće dokumentacije Ministarstvu pravosuđa, uprave i lokalne samouprave Hercegovačko-neretvanskog kantona.

VI

(Stupanje na snagu i objavljivanje)

Odluka stupa na snagu danom donošenja , a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02- 103 /23
Mostar, 17.1.2023.godine

